

2009-mi Naalackersuisut Nunani Avannarlerni sulliniutissat pillugit Nalunaarutaat.
(Aningaasaqarnermut Nunallu Allanut Naalackersuisoq)

Saqqummiussissut.

Assut nuannaarutigalugu, nunat avannarliit suleqatigiinnerannut peqataanitsinnut suliniutissanut Naalackersuisut siunnersuutaat Inatsisartunut ullumikkut saqqummiutissavara.

Nunat Avannarliit Siunnersuisoqatigiiffiata ukiumoortumik ataatsimiinnissaa sioqqullugu nunani avannarlerni politikkip Inatsisartunit oqallisigineqartarnera ukiuni kingullerni ileqqulersimasoq. Nunani avannarlerni allani pisartunut aamma tamanna naapertuuppoq.

Immikkoortuni arlalinni ileqqut kusanartorujussuusinnaapput, kisianni Naalackersuisut nutaat isumaqarput, nunani avannarlerni suleqatigiinneq pineqartillugu, nutaamik aallartinnissaq pisariaqartinneqartoq. Aallartinneq nutaaq, malunnartitsisoq, immikkoortumi tassani Namminersorlutik Oqartussat suniarnersut. Taamaattumik nassuiaat manna oqaluttuamik oqaluttuarnerunngilaq, kisiannili suliniutaalluni. Suliniut nunat avannarliit aamma nunat avannarliit killiit suleqatigiinnerannik Naalackersuisut qanoq ittumik politikkeqarlutik malinnaaniarnersut. Taamaalilluni suliniutissap Naalackersuisut politikikkut tunngavigisaat inerisaqqissavaa erseqqissarlugulu.

Naalackersuisut suliniutaanni partiit pingasut ataatsimoorussamik anguniagaat tunaartarineqarput, Naalackersuisulli neriuutaat tassaavoq, suliniuteqarneq manna Inatsisartut akuersaartumik tigussaagaat. Taamaalilluni suliniuteqarneq Naalackersuisunit Inatsisartunulluunniit ilaasortanit nunanik avannarlernik suleqateqarneq ingerlanneqaraluarpat suliniutinik siaruarternermi ataatsimoorullugu atorsinnaavarput. Suliniuteqarnermi tunngaavigineqartut makkua aallaavigineqarput.

Siullermik nunarsuup ilaani suleqatigiinnermut, Helsingforsimi isumaqatigiissut naapertorlugu Nunat Avannarliit Suleqatigiinnerannut Naalackersuisut politikkiat malunnartinneqassaaq.

Aappasaanik nunarsuup ilaanni politikikkut suleqatigiinnermut kinguneqartussamik tunniussaqaar-nissaq pineqartillugu nunatsinnut akisussaassulimik naalackersuisutut Naalackersuisut suliassatut akueraat. Tamanna pissaaq politikikkut suliallu naligisaanik eqqeersimaartumik peqataanikkut.

Pingajusnaanik nunat allat assigiinngitsut akornganni kattuffinni suliffeqarfinnilu Kalaallit Nunaata politikikkut soqatigisai siuarsarniarlugit nunat avannarliit suleqatigiinnerat Naalackersuisut atorni- arpaat.

Sisamasaanik nunani avannarlerni aamma nunat avannarliit killiit suleqatigiinneranni Kalaallit Nu- naata inatsisartutigit sinnisuutitaasigut Naalackersuisut eqqeersimaartumik suleqataaniarput ataatsi- moorussamik nunat avannarliit aalajangiinerinut Kalaallit Nunaata iluaqitigisinnaasai sunniuteqar- sinnaaneralu pitsaanerulersinniarlugit

Nunatta nunanut avannarlernut attaveqarnera periutsitigit marlutsigut annertuvoq. Siullermik Nam- minersorlutik Oqartussaat akisussaaffiini inuiaqatigiinnut tunngasutilinni tamangajanni at-

taveqarnej aamma suleqatigiinnikkut attuumassuteqarnej. Aappassaanik naalagaaffiit pisortaattut sulissanut ataatsimoortunut qaffasissutsini tamani aamma inuussutissarsiortunit ilinniartunillu paarlaaseqatigiittarnerit suleqatigiinnermut ilaapput. Tassunga ilanngullugu puigorneqassanngillat isumaginninnermut, suliffeqarnermut aamma kulturimut tunngasutigut nunat avannarliit isumaqati-giissutaat, innuttatta ilinniartuugunik suligunilluunniit nunani avannarlerni allani najugaqarlutik ak-unnikkunik tunngaviumik pisinnaatitaaffinik qulakkeerisut.

Ukiut marluk matuma siornatigut politikikkut kissaatigineqartup inerneranik maani Inatsisartuni tigusaqarpugut, Nunat Avannarliit Ministeriisa Siunnersuisoqatigiivnut tamakkiisumik ilaasort-annngornissaq savalimmiunit saqqummiunneqarmat. Savalimmiormiut kissaatigisaat nunani avan-narlerni isumaqatigiinnermik pilersitsinngilaq, kisianni tassannga angusarineqartut Ålandsdoku-mentimik taaneqartartumi allaaserineqarput. Angusat pingaarnerpaat ilaat ataaseq tassaavoq, nunat namminersortut nunani avannarlerni suliffeqarfiit siulersuisuini, Nunat Avannarliit Ministeriisa Siunnersuisoqatigiivisa ataaniittuni, tamakkiisumik ilaasortaanissamat qinnuteqarsinnaalermata. Suleriaatsimi imatut oqaatigisariaqarpoq, tamakkiisumik ilaasortaaneeq, ullumikkut soorlu NAPA-mi ilaangunneqanngitsoq siunissami nalinginnaalissaaq. Sulineq kulturikkut ilisimatuutut misis-suinerimik aallarnerneqarpoq, kisianni immikkoortuni allani taamatumunnga periarfissaqartitsisuni tamanna Naalakkersuisut malinnialersaarpaat.

Nunat Avannarliit suliniutissaat pillugit Naalakkersuisut siunnersuutissaattut siullertut politikikkut sulinerup ilusissaa aallarniutigivarput, immikkoortuni tamaginni peqataanitsinnut siu-nertat ersarissut inississavagut. Suleriaaseq tamanna isumaqarpoq, kingusinnerusukut suliniarner-put naliliiffigisinnaagipput, qanorlu annertutigisumik politikikkut angorusutagut eqqortissiman-erigut takusinnaallugu. Tassunga atatillugu taassallugu pisariaqarpoq, taamatut ilusilimmik sulineq matuma siuliani aallartinneqartoq allaffissornerup allannngortinneranut sulinerimut aamma naaper-tuulluarpoq, suleriutsit pisariillisaanerillu pitsanerulersinnissaat sammineqarput.

Suliniut taanna ullumikkut oqallisigisarput, taassuma tungaanut alloriarnertut siullertut isigineqas-saaq. Naalakkersuisut ersarissumik anguniagaat tassaavoq, qinigaaffitsinni suliniutissat ataatsimoor-tumik assigiiarnerusumik ilusilernissaat sulissutigissallugu. Tamanna isumaqarpoq, taamaalilluta politikikkut oqallinnitsinni tunngavigisarput nukittorsassagipput. Aamma immikkoortumi tassani suliniutissamat partiit oqaaseqaatissaat tusassallugit qilanaarivara.

Nunat avannarliit pillugit apeqqutinut tamanut Inatsisartunik pitsaasumik tatiginnillunilu suleqati-ginninnerup ineriartortinnissaa Naalakkersuisut pingaartilluinnarpaat. Nunat Avannarliit Siunnersu-isoqatigiivisa ukiumoortumik ataatsimeereernerisa kingorna siuninnguutigullu siunersieqatigiittar-neq piorsarniarparput, taamatullu ukiup ingerlanerani inatsisartut sinniisaannik oqaloqatiginninnerit aallartinniassavagut. Tamanna pissaaq Nunat Avannarliit Siunnersoqatigiivisa politikikkut aallar-niutaasumik suliniuteqarnera pingaarutilik akuersaarniarlugu, ilaatigullu imatut isumaqarnermit, sammivimmut tassunga sammiveqarluta suligutta inuiattut sunniussinnaanerussagut.

Taamatut oqaaseqarlunga nunat avannarliit pillugit politikkitsinnut politikikkut suleqatigiilluarnis-saput qilanaarivara.